

आकाशवाणी

खबरां -----

1. राश्ट्रपति द्रोपदी मुर्मू होंरें संस्कृत दे विद्वान स्वामी रामभद्राचार्य होंरेंगी प्रदान कीता 58मां ज्ञानपीठ पुरस्कार।
2. रक्षा मंत्री राजनाथ सिंह होंरें आखेआ जे अंतरराश्ट्री मुद्राकोष आसेआ पाकिस्तान गी दिती जा' रदी माली सहायता दे बारे च दोबारा विचार करना लोडचदा। उनें आखेआ जे पाकिस्तान गी कुसै बी चाल्ली दी आर्थिक सहायता देने दा मतलब आतंकवादी गतिविधियें लेई पैहा उपलब्ध कराना।
3. भारत बक्ख-बक्ख देशें च पाकिस्तान प्रायोजित आतंकवाद खलाफ अपना पख रखने लेई बहुदलीय शिष्टमंडल भेजोग।
4. देश भर दियां शीर्ष व्यवसायिकें तुर्किए ते अजरबाइजान कन्नै जात्तरा ते सैलसफा सने बक्ख बपार ते वाणिज्यिक सरबंधें दे बहिष्कार दा फैसला कीता।
5. बी.सी.सी.आई नै अगले म्हीने शुरू होने आहली इंग्लैंड दी श्रृंखला लेई भारतीय महिला टीम दी घोषणा कीती।
6. मौसम विभाग नै अगले 5 दिनें दौरान पूर्वोत्तर भारत च गरज कन्नै मौलेधार बरखा दी मेद बुज्झी।

<><><><><><>

राश्ट्रपति द्रोपदी मुर्मू होरें अज्ज नमीं दिल्ली च संस्कृत दे विद्वान स्वामी रामभद्राचार्य होरेंगी बरे 2023 दा 58मां ज्ञानपीठ पुरस्कार प्रदान कीता। स्वामी रामभद्राचार्य होर मन्ने-परमन्ने दे उर्दू कवि ते गीतबार गुलजार होरेंगी 2023 दे इस प्रतिष्ठित पुरस्कार लेई चुनेआ गेआ। इस मौके पर राश्ट्रपति होरें दोनें साहित्यकारें गी ममारखां दित्तियां। स्वामी रामभद्राचार्य होरें पुरस्कार थोने पर खुशी व्यक्त करदे होई आखेआ जे उन्दे साहित्यिक कम्में गी मानता थोई ऐ।

<><><><><><>

## Rajnath IMF Pak

भारत नै अंतर्राश्ट्री मुद्रा कोष गी आखेआ ऐ जे ओहू पाकिस्तान गी माली मदाद देने दे फैसले पर परतियै बचार करै। रक्षा मंत्री राजनाथ सिंह होरें आखेआ ऐ जे पाकिस्तान गी दित्ती जाने आहली माली मदाद दा इक बड्डा हिस्सा, पाकिस्तान च आतंकवादी ढांचे गी मदाद ते समर्थन देने गितै खर्च कीता जाह्ग। अज्ज दपैह्री भुज आहले वायु सेना स्टेशन पर वायु सेना दे अधिकारिणं ते जवानें गी संबोधित करदे होई उंनें आखेआ जे अज्जै दे समें च पाकिस्तान गी दित्ती गेदी कुसै किस्मै दी आर्थिक मदाद, आतंकवादी गतिविधिणं गी बल देने कोला घट्टु नेई ऐ। श्री सिंह होरें आपरेशन सिंदूर दे दरान फौरी ते नतीजाकुन कार्रवाई लेई भारती वायु सेना दी सराहना कीती ते आखेआ जे साढे दलेर बलें दी इस कार्रवाई नै सब्भनें भारतवासिणं गी गर्व कन्नै भरी दित्ता ऐ।

<><><><><><>

## Western Command Visit

सुरक्षाबलें दा मनोबल बधाने ते फौज दि'णं कार्रवाईणं सरबंधी तैयारिणं दा जायजा लैने दे मकसद कन्नै फौज दी पच्छमी कमान दे कमांडर लेफ्टिनेंट जनरल मनोज कुमार कटियार होरें अज्ज जम्मू ते सांबा च अगेत्रे इलाकें दा दौरा लाया। इस मौके पर फौज दी राईजिंग स्टार कोर दे जीओसी होर बी उंदे कन्नै हे। फौजी कमांडर होरें सेना ते बीएसएफ दे जवानें कन्नै गल्लबात कीती ते आपरेशन सिंदूर

दे दरान उं'दी दलेरी, मजबूत जज़्बे ते सतर्कता दी बड़ी मती सराहना कीती। उं'नें भारती बलें आसेआ कीती गेदी सटीक ते असरदार कार्रवाई दी सराहना करदे होई सभ्भनें अधिकारिणं ते जवानें गी गुजारिश कीती जे ओहू सोहगे-सतर्क रौंहदे होई अगगे बी हर किस्मै दी चुनौती लेई तैयार रौहना फौजी कमांडर हुं'दा एहू दौरा राश्ट्री सुरक्षा ते कार्रवाईणं सरबंधी तैयारिणं प्रति समर्पण गी दर्शादा ऐ।

<><><><><><>

### Sikkim-Statehood Day

राश्ट्रपति द्रौपदी मुर्मू ते प्रधानमंत्री नरेंद्र मोदी होरें सिक्किम दे लोकें गी सिक्किम दे स्थापना दिवस दियां शुभकामनां दित्तियां। इक सोशल मीडिया पोस्ट च राश्ट्रपति द्रौपदी मुर्मू होरें लिखेआ जे सिक्किम अपनी असीम कुदरती खूबसूरती, समृद्ध सांस्कृतिक विरासत ते अपने लोकें गी गर्मजोशी लेई व्यापक रूपै न मशहूर ऐ। राश्ट्रपति होरें आखेआ जे राज्य नै भारत दे सब्भनें शा मते पर्यावरण प्रति जागरूक राज्यें दे रूपै च प्रकृति कन्नै तालमेल बनाइयै ते प्रदर्शित करदे होई टिकाऊ विकास दे उल्लेखनीय मसाल स्थापित कीती ऐ। प्रधानमंत्री नरेंद्र मोदी होरें आखेआ जे सिक्किम शांत, खूबसूरत, समृद्ध सांस्कृतिक परम्पराणं ते मेहनती लोकें कन्नै जुडेआ ऐ।

<><><><><><>

### Govt. Deligation

सरकार आप्रेशन सिंदूर दे मद्देनजर पाकिस्तान प्रायोजित आतंकवाद खलाफ भारत दा रूप पेश करने लेई बक्ख-बक्ख देशें च बहुपक्षी प्रतिनिधिमंडल भेजने दी योजना बना रदा ऐ। सूत्रें दस्सेआ जे हर इक प्रतिनिधिमंडल च सत्ता च बनी दी सरकार ते विपक्षी दौनें दलें दे सांसदें दा इक समूह शामिल होने दी मेद ऐ। वरिष्ठ कांग्रेस नेता जयराम रमेश होरें नमीं दिल्ली च संवाददाताणं गी दस्सेआ जे संसदीय कार्य मंत्री किरिण रिजिजू होरें इस कूटनीतिक पुज्ज आहली पहल दे बारे च उं'दी पार्टी दे अध्यक्ष मल्लिकार्जुन खड्गे हुंदे नै गल्लबात कीती। इस गैं दा मबसद वैश्विक समुदाय दे सामने पाकिस्तान

थमां उत्पन्न आतंकवाद पर भारत दे रूप गी उजागर करना ऐ ते अगले हफ्ते इसी शुरूआत होने दी मेद ऐ।

<><><><><><>

## Turkey-Boycott

देश भर दे 125 थमां मते शीर्ष बवसायिं तुर्किए ते अजरबैजान कन्नै जात्तरा ते सैलसफा सने बकख-बकख बपार ते वाणिज्यक सरबंधें दे बहिष्कार दा फैसला कीता ऐ। एहू फैसला अज्ज नमीं दिल्ली च भारती बपार संघ आसेआ बचलाए गेदे इक राश्ट्रीय सम्मेलन च लैता गेआ। संघ नै इक बयान च आखेआ जे एहू फैसला तुर्किए ते अजरबैजान आसेआं हाल च गै पाकिस्तान गी समर्थन देने दे बाद लैता गेआ। भारती बपार संघ दे मताबक भारती व्यापारिक समुदाय इसी इक विश्वासघात दे रूपै च दिक्खदा ऐ।

<><><><><><>

## Pak-Fake Claims

पाकिस्तान आप्रेशन सिंदूर दौरान अस्मान च अपनी करारी हार दा सामना करने दे बाद हुन भ्रम आहले दावे गी डिजिटल माध्यम राहें लगातार फैला'रदा ऐ। भारती वायु सेना नै पाकिस्तानी वायु सेना दे हमले गी बुरी चाल्ली नाकाम करी दित्ता हा। मगरा हुन ओहू आपूं अपने आपै गी असमान दा राजा आक्खिच्य प्रचारित करा रदा ऐ। सोशल मीडिया पर कई पाकिस्तानी अकाउंट्स ब्रिटेन दे अखबार दा डेली टेलीग्राफ दी इक तस्वीर प्रसारित करा'रदे न जिस च पाकिस्तान दी वायु सेना गी असमान दा राजा प्रदर्शित कीता गेआ। हालांकि असलियत च एहू तस्वीर आर्टिफिशल इंटेलिजेंस आसेआ बनाई गई ऐ ते दा टेली टेलीग्राफ नै नेया कोई बी लेख नेई छापेआ ऐ।

<><><><><><>

## EC-Bihar Visit

चुनांस आयुक्त डॉ. विवेक जोशी होर औंदी विधानसभा चुं दी तैयारियें दी समीक्षा लेई बिहार दे 4 रोजा दोरे पर न। डॉ. जोशी होर कल संझा पटना पुज्जे। अपने दौरे दौरान ओह मतदाताएं दी सुविधा ते सुख-सुविधा ते सुख सुविधाएं कन्नै चुनां लेई कीते गेदे सुरक्षा उपाएं दा बी जायजा लैता। ओह वी.वी.एम दी प्रथम स्तर दी जांच प्रक्रिया ते बूथ स्तर अधिकारी, बूथ स्तर एजेंट ते मतदान कर्मियें दे सिखलाई दी बी समीक्षा करडन।

<><><><><><>

### Shah-Inaguration

गृह मंत्री अमित शाह होरें आखेआ ऐ जे आप्रेशन सिंदूर प्रधानमंत्री नरेंद्र मोदी हुंदी पक्की राजनीतिक इच्छाशक्ति, खुफिया एजेंसिएं आसेआ हासल सटीक ते सेई जानकारी ते साहड़ी त्रोंने सेनाएं दी अचूक मारक क्षमता दा नूठा प्रतीक ऐ। उनें खुफिया जानकारी सांझा करने दे मकसद कन्नै दिल्ली च अज्ज नमीं मल्टी एजेंसी सेंटर दा उद्घाटन करने दे बाद एह गल्ल आक्खी।

<><><><><><>

### BCCI

भारतीय क्रिकेट कंट्रोल बोर्ड नै भारती महिला क्रिकेट टीम दी घोषणा करी दिती ऐ जेड़ी 28 जून थमां 22 जुलाई तोड़ी चलोग। इस दौरे च 5 टी-20 अंतरराष्ट्री मैच ते औदे बाद त्रै इक दिवसीय अंतरराष्ट्री मैच खेड्डे जांगन। हरमनप्रीत कौर दौनें प्रारूपें च महिला टीम दी कप्तानी करोग जिसले जे स्मृति मंधाना उंदी उपकप्तान होग।

<><><><><><>

### Neeraj-Chopra

भारत दे 2 बारी दे ओलंपिक पदक जेत्तू ते नेजा सुट्टने च मौजूदा विश्व चैंपियन नीरज चोपडा होर अज्ज दोहा कतर च सत्र दी अपनी पैहली डायमंड लीग मीट च शामिल होंगन।



## IMD-Weather

भारती मौसम विभाग नै अगले 5 दिनें दौरान पूर्वोत्तर भारत च गरज कन्नै मौलेधार बरखा दी मेद बुज्झी ऐ। मौसम विभाग नै दक्खन भारत च अगले 3 थमां 4 दिनें दौरान तटीय आंध्र प्रदेश, यनम, रायलासीमा, तेलंगाना, कर्नाटक, तमिलनाडू, पुदुचेरी, करिकल, केरला ते मोह च गरज कन्नै बरखा होने, बिजली पौने ते तेज ब्हा चलने दी बी मेद बुज्झी ऐ। कल उत्तर पच्छिम भारत दे पंजाब ते हरियाणा च ऐतवार थमां जम्मू-कश्मीर लद्दाख, गिलगित, बाल्तीस्तान, मुजफ्फराबाद, हिमाचल प्रदेश, उत्तराखंड, उत्तर प्रदेश च बी इये नेय हालात रौहने दी मेद बुज्झी ऐ। पच्छमी भारत च अगले 2 दिनें तोड़ी कोंकण, गोवा, मध्य महाराष्ट्र ते मराठवाड़ा च गजर कन्नै बरखा, बिजली पौने दी शेंका ऐ।



## Tiranga Yatra Udhampur Overall

भारत दे थेहारबंद बलें प्रति समर्पण जताने ते देशभक्ति दी मजबूत भावना दा प्रदर्शन करने दे मकसद कन्नै सिविल समाज दे सदस्यें आसेआ अज्ज उधमपुर च इक बड्डी तिरंगा जात्तरा कड्डी गई जेह्दे च समाज दे बक्ख-बक्ख वर्गे दे लोकें, नेताएं ते समाजी कार्यकर्ताएं पूरी सक्रियता कन्नै हिस्सा लैता। सिटिज़न्स फॉर नेशनल सिक्योरिटी दे बैनर हेठ आयोजित एह रैली शहीद स्मारक थमां शुरु होई ते दोमेल चौक आहले पुलस मार्शल मेमोरियल पुज्जियै संपन्न होई गई। ज्हारां बद्धे लोकें राश्ट्री झंडे हत्थें च लेइयै जय हिंद ते वंदे मातरम् दे नारे लांदे होई इस जात्तरा च हिस्सा लैता। केंद्री सूचना ते प्रसारण राज्य मंत्री डॉ. एल. मुरूगन होरें अज्ज दक्खन त्रिपुरा दे जिला मुख्यालय बेलोनिया च आयोजित तिरंगा जात्तरा च शामिल होए। आकाशवाणी कन्नै गल्ल करदे होई उनें भारत दी आतंकवाद गी कतई

बर्दाश्त नेई करने दी नीति पर जोर दित्ता। डॉ. मुरूगन होरें आखेआ जे आतंकवाद गी खत्म करी दित्ता जाग। उनं आखेआ जे राष्ट्र पैहले प्रधानमंत्री नरेंद्र मोदी हुंदी सर्वोच्च प्राथमिकता ऐ। केरल दे कोची च बी अज्ज बडुलै तिरंगा जात्तरा आयोजित कीती गई ते साबका फौजियें ते विद्यार्थियें सने समाज दे बक्ख-बक्ख लोकें इस च जोशो-खरोश कन्नै हिस्सा लैता।

<><><><><><>

### Anti-Terror PC

जम्मू-कश्मीर च सुरक्षा बलें कुलगाम ते पुलवामा च हाल च गै चलाए गेदे आतंकवाद रोधी अभियानें गी महत्वपूर्ण दस्सेआ ऐ। इनें अभियानें च 6 आतंकवादी मारे गेन जिंदे चा त्रै शोपियां ते त्रै त्राल च मारे गेन। अज्ज श्रीनगर च इक्क मीडिया ब्रीफिंग दरान मेजर जनरल धनन्जय जोशी, आई.जी.पी कश्मीर वी.के बिरदी ते सी.आर.पी.एफ अभियानें दे आई.जी.पी मितेश कुमार होरें पहलगाम घटना दे बाद आतंकवाद रोधी जतनें च बाद्दे गी उजागर करदे होई 48 घंटे तगर चले दे अभियान दी कामयाबी पर लोऽ पाई। अभियान च सुरक्षाबलें गी कुसै बी किस्मा दा कोई नुकसान नेई पुज्जेआ ऐ।

<><><><><><>

### MHA-Transfers

गृह मंत्रालय नै AGMUT काडर दे 9 आई.ए.एस ते 3 आई.पी.एस अधिकारियें दा जम्मू-कश्मीर च तबादला करने दा हुक्म दित्ता ऐ जदके केंद्र शासित प्रदेश दे 6 आई.ए.एस अधिकारियें दा तबादला कीता गेआ ऐ। दिल्ली दे आई.ए.एस. अधिकारी आशीष चंद्र वर्मा ते अनिल कुमार सिंह ते 7 होरनें गी जम्मू-कश्मीर च तैनात कीता गेआ ऐ। आई.पी.एस अधिकारी समीर शर्मा, संदीप गुप्ता ते रिशी कुमार होर बी तबादला कीते गेदे लोकें च शामिल ना। तोआई, जम्मू-कश्मीर थमां तबादला कीते गेदे अधिकारियें च पांडुरंग के पोले, विजय कुमार बिधूड़ी ते 2013 आई.ए.एस बैच दे चार होर अधिकारी शामिल ना।



## MLA Mir Accident

अखिल भारती कांग्रेस कमेटी दे महासचिव ते विधायक गुलाम अहमद मीर हुं'दी कानवाई दी इक गड्डी अज्ज बडुलै जम्मू-श्रीनगर राश्ट्री जरनैली सिडक पर रामबन जिले दे पीड़ा इलाके दे नेडे हादसे दा शिकार होई गई। हादसे च द'उं सुरक्षाकर्मी जख्मीं होई गे जि'नेंगी रामबन आहले जिला अस्पताल च दाखल करोआया गेआ। उ'आं हादसे च विधायक मीर हुं'दा बचाऽ होई गेआ ऐ। एह हादसा उसलै होआ जिसलै मीर हुं'दा काफिला कश्मीर बक्खी जा'रदा हा।

